

Fwen Gyaez Guek

爱国歌

——Geiqniemh Gangcan Hingz 70 Hopbi

——纪念抗战胜利70周年

□ Liengz Fuyungz / 梁富容

Sai: Seizneix guekgya raeuz
Gangvah lumj sing gang
Fazcanj suijsingz sang
Beij mbin lij vaiq lai

Mbwk: Seizneix vunz Cungguek
Ngoenz beij ngoenz miz ngaenz
13 ik lwgminz
Sing riu mbwn yaek lak

Sai: Seizneix vunz Cungguek
Fwngz camx rin hix byoengq
Guek giengz minz miz ngaenz
Lajmbwn miz visaeng

Mbwk: Gohyoz fazcanj vaiq
Guh yienghyiengh cungj baenz
Fwngz vix rin bienq ngaenz
Fwngz vix raemx baenz gim

Sai: Guh aen ruz rox mbin
Raeuz bae cunz bouxsien
Caux lwgroeg ndaem ndaej
Bae laj haij gaemh lungz

Mbwk: Gyauoeng fazcanj vaiq
Daihloh lien baenz muengx
Ruz laux doeng lajmbwn
Vaiq caeuq mbin doxdoengz

Sai: Lohdiet gvaq bak mbanj
Bouxlaux gyaez ganjhaw
Ngoenzcog bae Ouhcouh
Ngoenzrawz youh dauqdaej

Mbwk: Gwn raemx mbouj lumz mboq
Byaij roen mbouj lumz din
Guek giengz minz fouqmiz
Guek gungz minz engq hoj

Sai: Gwn haeux mbouj lumz naz
Gwn noh mbouj lumz mou
Seizneix raeuz bienq fouq
Doenghbaez mbouj ndaej lumz

Mbwk: Lij youq sevei gaeuq
Guek deng vunz ciemqhaeuj
Gaj lwgminz fouzsoq
Raeuz lix ndaej gig nanz

Sai: Miz bing bet guek comz
Daeuj Baekging guhyak
Baj feiz ndeu baez coemh
Suen Yenzmingz baenz daeuh

Mbwk: Hoenxciengq mbouj ndaej
hingz
Gvej deih hawj bouxwnq
Yanggangj caeuq Aumwnz
Hawj guek wnq daeuj guenj

Sai: Bing Yizbwnj ciemqhaeuj
Daeuj Namzging gaj vunz
Cibsam fanh beixnuengx
Lwed lae rim daihhaij

Mbwk: Bing Yizbwnj ciemqhaeuj
Gaj vunz lumj gaj gaeq
Bouxlaux caeuq lwgnyez
Boux lawz cungj mbouj ce

Sai: Bing Yizbwnj haeuj mbanj
Gaj vunz lumj gvej rum
Mboujguenj mbwk naeuz sai
Raen vunz doq gaj caez

Mbwk: Lwgminz raeuz deng haih
Cuengq sing daej mbouj dingz
Daengx guek gag beixnuengx
Caeuq Yizbwnj hoenxciengq

Sai: Lwgminz cienz Cungguek
Caezsim bae dingjhoenx
Aeu noh lwed raeuz bae
Henhoh guek caeuq ranz

Mbwk: Vih baujvei guekgya
Aeu ndang dangj lwgyienz
Yungh bet bi seizgan
Hawj Yizbwnj douzyangz

Sai: Cungguek Gungcanjdangj
Dwg gangcan yinghyungz
Dazyinx vunz cienz guek
Buek hingz bing Yizbwnj

Mbwk: Caetcib lai bi gvaq
Hix aeu geiq ndawsim
Raeuz yunghrengz geijlai
Cij dwk hingz Yizbwnj

Sai: Doeklaeng couh deng dub
Gag boux yaek aeu geiq
Vih saedcej raeuz ndei
Aeu haenqrengz fazcanj

Mbwk:Vih mbouj caiq deng ciemq
Gyaez guek geiq ndawsim
Caezgya cungj fukok
Guekgya ndaej fouqgiengz

Sai: Hwnj mbwn gaemh duzbyaj
Roengz haij dwk duzlungz
Vih guekgya mbouj gungz
Gunghawj ok cingqcin

Mbwk: Cax bya hix gamj caij
Feiz haij hix gamj youz
Vih guek raeuz engq ndei
Bouxboux cungj gaenx guh

Sai: Seizneix lij miz fangz
Yaek haeuj ranz caeg huq
Raeuz aeu miz cinjbi
Moeb de mbouj louzcingz

Mbwk: Seizneix Cungguek raeuz
Gangdiet guh cangzcwngz
Mbwn loemq hix mbouj ning
Deihsaenq hix mbouj lau

Sai: Daezsingj fangz gag rox
Byaij roen aeu siujsim
Haeuj ranz wnq caeg gwn
Lau mwngz deuz mbouj ndaej



Dahsau eufwen

Danghnaeuz mbouj miz “swix”
daeuj nyauxluenh, Guengjsae 20 bi
neix daeuj cingzcik dingh engqgya
ronghsag.

Veiz Gozcingh dauq daengz
ranzmbanj guh hong, cij laemxsim
siengj guh hong ginghei Guengjsae
hwnjbae. Daj cauh baenz Camh-
dienhraemx Sihcinh daengz Liuj-
gangh、Liujva daengj buek gunghyez
goekdaej ndaej guh baenz douzcanj,
daj yinxhaeuj gij gunghcangj、
dinfwngz caeuq vunzguenjieix Sang-
haij daengz mbefat gij ginghgunghyez
hongdaemj miz daegsaek Guengjsae,
daj gietdingh hwnjguh Camhdienh-
raemx Dava daengz gij gviveh cunghab
leihyungh caeuq Dahraemxoengz
aeu dienh, daj dauqcungz banh
Daihthag Guengjsae daengz mbefat gij
hong vwnzva、gyauyuz、veiswngh
Guengjsae caeuq laebbaenz gak cungj
gihgou yenzgiu gohyoz, daj guh
Giuzhung Yunghgyangh、Gvanjdijyuz

Veiz Gozcingh Sangcieng Cawj-
guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Guengjsae、Heiqciengz Namzningz、
Haenzfai Re Raemxrongz Yungh-
gyangh daengz gviveh hwnjguh soujfuj
swcigih, daj ceng ndaej gij dieg
Ginhcouh dauqcungz veh haeuj
Guengjsae guenj daengz maeuzveh
Fangzcnwngz daengj aensok diuzroen
okhaij caeuq hwnjguh hong boiqdauq,
daj luzva Guengjsae daengz gviveh
caeuq hwnjguh hongsaeh gyauoeng,
daj hoenghguh gij suijsu daihhingz、
cunghingz、cauh naz cauh reih daengz
doigvangq ndaem gofoed caeuq cingj

gij vunzguhnaz Cauzsan daeuj son gij
dinfwngz maenhndei ndaem gohaeux,
daengjdaengj, cungj laemx miz gij
lwedhanh Veiz Gozcingh.
Bouxraiz caijfangj gvaq haujlai
dungzci laux caeuq Veiz Gozcingh
doengzcaez youq Guengjsae guh hong
gvaq, gyoengqde daj mboujdoengz
gakdoh, yungh mboujdoengz vahcoenz
damz le gij yawjap bonjfaenh.
Dingzlai vunz nyinhnaeuz, Veiz Goz-
cingh cawjguenj Guengjsae, dijbauj
nanz ndaej, cingzcik angjda, doiq

dangj caeuq lwgminz Guengjsae
mbouj miz maz nyaenq, dwg boux
goengdaeuz ndei genhciz yenzcwz、
ndangcingq fwngzseuq、cozfungh
cingqbaij ndeu. Mbangj dungzci
naeuz: Veiz Gozcingh youq mwghaenx
cawjguenj Guengjsae, suenq roengz-
rengz ceiq haenq lo, gij vunz caiq
miz bonjsaeh daeuj guh bouxdaeuz
hung Guengjsae, lauhei q hix nanz
mauhgvaq gij cingzcik de bw.

(caengz sat)